

Ғылым мен техника саласындағы Қазақстан Республикасының 2009 жылғы Мемлекеттік сыйлығын беру туралы

Қазақстан Республикасы Президентінің 2009 жылғы 09 қарашадағы N 885 Жарлығы

Қазақстан Республикасының ғылым мен техника саласындағы мемлекеттік сыйлығын беру жөніндегі комиссияның ұсыныстарын қарап, **қаулы етемін:**

1. Ғылым мен техника саласындағы Қазақстан Республикасының 2009 жылғы Мемлекеттік сыйлығы мына авторларға:

1) "Қазақстан Республикасының Ұлттық ядролық орталығы Ядролық физика институтының жетілдірілген эксперименттік ядролық-физикалық қондырғылары базасында ядролық және радиациялық физика саласындағы іргелі зерттеулер және олардың негізінде ядролық және радиациялық технологиялар құру" тақырыбындағы жұмыстар циклі үшін:

Қазақстан Республикасының Ұлттық ядролық орталығының бас директоры, физика-математика ғылымдарының докторы, профессор Қайрат Камалұлы Кәдіржановқа;

Қазақстан Республикасы Ұлттық ядролық орталығының Ядролық физика институты зертханасының меңгерушісі, техника ғылымдарының докторы, профессор Ғадлет Андиянұлы Батырбековке;

Қазақстан Республикасы Ұлттық ядролық орталығы бас директорының орынбасары Александр Николаевич Борисенкоға;

Қазақстан Республикасы Ұлттық ядролық орталығының Ядролық физика институты зертханасының меңгерушісі, физика-математика ғылымдарының докторы, профессор Әлнұр Дүйсебайұлы Дүйсебаевқа;

Қазақстан Республикасы Ұлттық ядролық орталығының бас ғылыми қызметкері, физика-математика ғылымдарының докторы, профессор Жеңіс Рахметұлы Жотабаевқа;

Қазақстан Республикасы Ұлттық ядролық орталығы Ядролық физика институтының үдету кешені бөлімінің бас инженері Сергей Николаевич Лысухинге;

Қазақстан Республикасы Ұлттық ядролық орталығының Ядролық физика институты зертханасының меңгерушісі, физика-математика ғылымдарының докторы, профессор Олег Прокопьевич Максимкинге;

Қазақстан Республикасы Ұлттық ядролық орталығы Ядролық физика институтының директоры, техника ғылымдарының кандидаты Әділ Жианшахұлы Төлеуішевке;

2) "Минерагения және Қазақстанның минералдық шикізат ресурстарын дамытудың перспективалары" жұмысы үшін:

"Қ.И.Сәтбаев атындағы геологиялық ғылымдар институты" ЖШС-ның бас ғылыми қызметкері, геология-минералогия ғылымдарының докторы, Қазақстан Республикасы Ұлттық инженерлік академиясының академигі Эдгард Славомирович Воцалевскийге;

"Қ.И.Сәтбаев атындағы геологиялық ғылымдар институты" ЖШС-ның жетекші ғылыми қызметкері, геология-минералогия ғылымдарының кандидаты Николай Мифодьевич Жуковқа;

"Қ.И.Сәтбаев атындағы геологиялық ғылымдар институты" ЖШС-ның зертхана жетекшісі, геология-минералогия ғылымдарының докторы, профессор Леонид Александрович Мирошниченкоға;

"Қ.И. Сәтбаев атындағы геологиялық ғылымдар институты" ЖШС-ның директоры, геология-минералогия ғылымдарының докторы, профессор Болат Мамытханұлы Рақышевқа;

Қазақстан Республикасы Энергетика және минералдық ресурстар министрлігінің Геология және жер қойнауын пайдалану комитеті "Қазгеоақпарат" республикалық геологиялық ақпарат орталығының бұрынғы басшысы, зейнеткер, геология-минералогия ғылымдарының докторы Сиезбек Аманбекұлы Ақылбековке;

Қазақстан Республикасы Энергетика және минералдық ресурстар министрлігінің Геология және жер қойнауын пайдалану комитетінің төрағасы, геология-минералогия ғылымдарының докторы Болат Сұлтанұлы Өжкеновке;

3) "Еркін алгебралардың автоморфизмдері мен ішкі алгебралары" жұмысы үшін: Л.Н. Гумилев атындағы Еуразия ұлттық университеті алгебра және геометрия кафедрасының меңгерушісі, физика-математика ғылымдарының докторы, профессор Уалбай Үтмаханбетұлы Өмірбаевқа берілсін.

2. Осы Жарлық қол қойылған күнінен бастап қолданысқа енгізіледі.

Қазақстан Республикасының
Президенті *Н.НАЗАРБАЕВ*